

IMAQARNILIAQ SAA- Sanarfinermut Avatangiisinullu Ataatsimiititaq 06-08-2018

Ulloq ataatsimiiffissaq Mandag 06. august 2018 kl. 18:00

Ataatsimiiffissaq Kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	5
Ilisimatitsissutit.....	6
Aalajangiiffigisassat.....	7
Suliat Aningaasaqarnermut Inuussutissarsiornermullu Ataatsimiititamut aammalu Kommunalbestyr	8
Sanarfinermut Avatangiisinullu ataatsimiititaq suleriaasissaq.....	9
Siunnersuut, Kommunimut pilersaarummut tapiliussaq O9 Qussuk/ Narsarsuaq, Nuuk.....	12
Kommunimut pilersaarummut tapiliussatut siunnersuut Illut eriaginartut.....	16
Taasariaqartut allat.....	21
Suliat matoqqasut.....	22
Lukket.....	23
Lukket.....	24
Imaqarniliap akuerineqarnera.....	25

Punkt 1: Oqaluserisassat akuersissutigineqarneri

Beslutning

Oqaluserisassat akuerineqarput.

Punkt 2: Nalunaarutit

<p>2A. Siulittaasumit nalunaarutit</p> <p>2B. Ingerlatsivimmit nalunaarutit</p>

Beslutning

2A. Siulittaasumit nalunaarutit

Soqanngilaq.

2B. Ingerlatsivimmit nalunaarutit

- Qatserisartoqarnerup iluani paasineqarsimavoq Nuummi allaffissornikkut kukkunerup kingorna naammanngitsunik akissarsititsisoqartarsimasoq. Kukkusumik annikinaarutaasut kingumoortumik tunniunneqarput, tamassumalu kingunerissavaa aningaasanik missingersuutinik 800.000 kr. -1. mio.kr. tungaanut atuinerusoqarnissaa, taakkualu missingersuutaareersut iluani akilerneqarallassapput. Saniatigut aamma paasineqarsimavoq, Tasiilami, Ittoqqortoormiini pigisaannilu qatserisartoqarnerup iluani annertuallaamik akissarsititsisoqartarsimasoq. Taakkua kingumoortumik aaqqiiffigineqanngikkaluarlutik eqqortumik akissarsiaqalissapput.

- Nuummi qatserisartoqarneruttaaq iluani assigiinngitsunik ukiorpassuarni sulisimanermut qujaniummik arlalippassuarnik kajumissaasiisoqarlunilu akissarsititsisoqarpoq, tamannalu unnussiuuaqatigiinnermi pivoq.

Punkt 3: Ilisimatitsissutit

<p>Soqanngilaq.</p>

Punkt 4: Aalajangiiffigisassat

<p>Soqanngilaq.</p>

**Punkt 5: Suliat Aningaasaqarnermut Inuussutissarsiornermullu
Ataatsimiititamut aammalu Kommunalbestyrelsimut ingerlateqqitassat**

Punkt 05A: Sanarfinermut Avatangiisinullu ataatsimiititaq suleriaasissaq

Beslutning

Inassuteqaatit akuerissutigineqarput.

Bilag

Bilag 1 Forretningsorden for anlæg og miljø KAL.docx

Sanarfinermut Avatangiisinullu ataatsimiititaq suleriaasissaq

Aalajangiiffigisassaq

J. nr.: 01.02-A00-6-18

Suliffeqarfimmut Kiffartuussivik - kommunaldirektøri Lars Møller-Sørensen / LMS

Suliassamik eqikkaaneq

Kommunit aqunneqarnerat pillugu inatsit nr. 29, 17. november 2017-imeersumi § 28 imm. 2 naapertorlugu, tulliuttuni aqutsinermut inatsimmi taaneqartumi, ataatsimiititaliat ataavartut sulinerminni suleriaasissatut maleruagassartik namminneq aalajangersartarpaat.

Suleriaasissatut siunnersuut akuersissutigisassanngorlugu ilanngunneqarpoq.

Inassuteqaat

Suliffeqarfimmut Kiffartuussiviup Sanarfinermut Avatangiisinullu Ataatsimiititamut inassuteqaatigaa:

- Suleriaasissatut siunnersuut ataatsimiititap akuersissutigisagaa, aammalu
- Suliaq ilisimatitsissutitut Aningaasaqarnermut Inuussutissarsionermullu Ataatsimiititamut aamma Kommunalbestyrelsimut ingerlateqqinneqassasoq

Suliassamik saqqummiussineq

Kommunit aqunneqarnerat pillugu inatsit nr. 29, 17. november 2017-imeersumi § 28 imm. 2 naapertorlugu, tulliuttuni aqutsinermut inatsimmi taaneqartumi, ataatsimiititaliat ataavartut sulinerminni suleriaasissatut maleruagassartik namminneq aalajangersartarpaat:

Ataatsimiititami ataatsimiititaq ataatsimiinnissanut qanoq aggersaasassanersoq ingerlatsisassanersorlu suleriaasissami aalajangersarneqarpoq. Aammattaaq siulittaasup atuuffia, sinniisunik aggersaasarneq, ataatsimiititamut ilaasortanit apeqqutit suliarineqartarneri, Kommunalbestyrelsimut sulianik immikkut ittunik saqqummiisarnerit, suliamut attuumassuteqartarnerit il. il. iluarsineqarput.

Aqutsinermut inatsisip nutaap akuersissutigineqareernerata kingorna suleriaasissaq nutarterneqassaaq.

Suleriaasissatut siunnersuut aqutsinermut inatsit kiisalu Kommuneqarfik Sermersuumut aqutsinermut ileqqoreqqusaq naapertorlugit suliarineqarpoq.

Aaqqiissutissatut siunnersuut – suliatigut naliliineq

Suleriaasissatut siunnersuut Sanarfinermut Avatangiisinullu ataatsimiititap maannamut atornerarnera ajunngilaq taamaattumik ataatsimiititap atuunneranut tunngatillugu apeqqutissaqarnermik paasinngisanilluunniit kinguneqartanngilaq.

Suleriaasissatut siunnersuut pingaarutilinnik ilaneqarpoq, ilaatigut ataatsimiigiarsinnaanani nalunaarnermut najoqqutassat aalajangersarneqarput, kiisalu suliamut attuumassuteqarpallaarneq pillugu najoqqutassaliortoqarluni.

Tamatuma saniatigut inatsimmut innersuussinerit nutarterneqarlutillu suliarineqarput.

Aningaasaqarnikkut sulisoqarnikkullu naliliinerit

Suliaq aningaasaqarnikkut sulisoqarnikkullu kinguneqartitsissanngilaq.

Inatsisitigut tunngavissaq allakkallu tunngaviusumik uppersaatitalit

- Kommuneqarfik Sermersuumi aqutsinermut ileqqoreqqusaq.
- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Ingerlariaqqinnissaq

Suleriaasissaq ataatsimiititap akuersissuteqarneratigut atuutilissaaq.

Suleriaasissaq Aningaasaqarnermut Ataatsimiititamut Kommunalbestyrelsimullu ilisimatitsissutitut ingerlateqqinneqassasoq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaatinik pissarsiniartoqanngilaq.

Ilanngussaq

1. Sanarfinermut Avatangjisinullu ataatsimiititami suleriaasissaq

Punkt 05B: Siunnersuut, Kommunimut pilersaarummut tapiliussaq O9 Qussuk/ Narsarsuaq, Nuuk

Beslutning

Inassuteqaatit akuerineqarput, imannak oqaasertalerlugit: Kommunimut pilersaarummut tapiliussaq sapaatip akunnerini arfineq pingasuni tusarniutigineqassasoq.

Bilag

O9 KPT-kal.pdf

Siunnersuut, Kommunimut pilersaarummut tapiliusseq O9 Qussuk/ Narsarsuaq, Nuuk

Sukisaarsaatigalugu aalisartitsisarnermik akuersissuteqarfik

Aalajangiiffigisassaq

J. nr: 16.03.01.01-P16-8-18

Sanarfinermut Avatangiisinullu Ingerlatsivik - pisortaq, Hans Henrik Winther Johannsen / HHWJ

Suliassamik eqikkaaneq

Siunnersuummi, kommunimut pilersaarummut tapiliusseq O9 Qussuk/ Narsarsuaq, nunaannarmi immikkoortup ilaanik nutaamik immikkoortuligaq pineqarpoq, sukisaarsaatigalugu aalisartitsisarnermik akuersissutaatillit tassani qissattaammik eqqalunniartitsinnaassallutik. Sumiiffik katillugu 20 km²-isut missaani annertussuseqarpoq, tassa Nuup Kangerluani avannarpasissumi Qussummi/ Narsarsuarmi. Taammaarfissatut atugassianik immikkoortulersugaavoq, akuersissummullu ilanngullugu anginngitsunik illuaqqanik nappaasoqarsinnaavoq.

Inassuteqaat

Sanarfinermut Avatangiisinullu Ingerlatsivimmit Sanarfinermut Avatangiisinullu Ataatsimiititamut inassuteqaatigineqarpoq

- Siunnersuut, Kommunimut pilersaarummut tapiliusseq O9 Qussuk/ Narsarsuaq, Nuuk Sanarfinermut Avatangiisinullu Ataatsimiititamit akuersissutigineqassasoq,
- Siunnersuut akuersissutigineqartuq sapaatip akunnerini arfinilinni tamanut tusarniaassutigineqarnissaa siunertaralugu Aningaasaqarnermut Inuussutissarsiornermullu Ataatsimiititamut akuersissutigisassanngorlugu ingerlateqqinneqassasoq.
- Tamatuma kingorna suliaq Aningaasaqarnermut Inuussutissarsiornermullu Ataatsimiititamit Kommunalbestyrelsimut ilisimatitsissutitut ingerlateqqinneqassasoq.

Suliassamik saqqummiussineq

Kommuneqarfik Sermersooq Inuussutissarsiornermut Nukissiuutsinullu Naalackersuisoqarfik aqutigalugu Qussummi/Narsarsuarmi qissattaammik eqqalunniartitsisarnissamik sukisaarsaatigalugu aalisartitsisarnermik akuersissutinik qinnuteqaatinik marlunnik tigusaqarpoq. Tamanna tunngavigalugu Sanarfinermut Avatangiisinullu Ingerlatsivik nutaamik kommunimut pilersaarummut tapiliussamik siunnersuusiortoq, sumiiffimmi takornariaqartitsinissamut periarfissagissaartumi akuersissutaateqarnissaq tassuuna periarfissaatinneqassalluni.

Siunnersuummi, kommunimut pilersaarummut tapiliusseq O9 Qussuk/ Narsarsuaq, nunaannarmi immikkoortup ilaanik nutaamik immikkoortuligaq pineqarpoq, sukisaarsaatigalugu aalisartitsisarnermik akuersissutaatillit tassani qissattaammik eqqalunniartitsinnaassallutik. Sumiiffik katillugu 20 km²-isut missaani annertussuseqarpoq, tassa Nuup Kangerluani avannarpasissumi Qussummi/ Narsarsuarmi, sanaartorfioqqusaanngitsup iluani Immikkoortup ilaa O2 Inuilaarsuaq – Nerutusoq Avannarleq.

Kommunimut pilersaarummut tapiliussami tunngaviusut tassaapput:

- Immikkoortup ilaa O9-imik nutaamik immikkoortuliornissaq
- O9-imi qissattarluni eqqalunniartarnissamik (Salvelinus alpinus) sukisaarsaatigalugu aalisartitsisarnermik akuersissutilinnut atugassanngortitsinissaq
- Nunaannarmi naleqquttumik atuinissamik qulakkeerinninnissaq, aamma takornarissanut sukisaarsaatigalugu aalisariartunut pitsaasunik atugassaqqartitsinissaq

- Sumiiffimmi pineqartumi akuersissummut attuumassuteqartumik tammaarsimaarfiliornissamik, tuperfiliornissamik assigisaanilluunniit periarfissaqartitsinissamik qulakkeerinninnissaq.

Kommunimut pilersaarummut tapiliussatut siunnersuut O9 aqutigalugu illuaqqiorsinnaanissamik periarfissaqartitsinissaq, taamaattorli 60 m²-imit anginerussanani, ataatsimoortut katillugit amerlanerpaamik illuaqqat sisamaasinnaassallutik. Illuaqqat napparneqannginnerini inissisimaffissaannut ilusissaannullu tunngasut akuersissutaateqartuusumit/-sunit Kommuneqarfik Sermersuumut isumaqatigiissutigineqaaqaassapput.

Takornariartitsinnaanermut akuersissutaateqarneq ima paasineqassaaq, sumiiffiup aalajangersimasup iluani takornariartitsinermi nioqputissamik arlalinnilluunniit tunniussinnaatitaasoq. Takornariartitsinermi sammisaqarnermut akuersissut pisinnaatitaanermik pigisaqartumut tunniunneqartarpoq. Suliffeqarfik sumiiffimmik akuersissutaateqaleraangat, ass. kooqarfimmi, taava suliffeqarfik taanna sumiiffimmi pineqartumi suliamut aalajangersimasumut kisermaassisuussaaq. Sumiiffimmi tassani piffissami tassani allatigut suliaqartoqarsinnaavoq, ass. pisunneq, piniarneq, qaqqatigut sikkilerneq il.il. Aamma najugaqavissut kuummut aalisariasinnaatitaapput. Taamaattorli suliffeqarfiit allat inuussutissarsiutigalugu takornarissanut aalisartitsinermik tassani imaluunniit sumiiffiup nalaani ingerlatsisinnaangillat.

Aaqqiissutissatut siunnersuut – suliatigut naliliineq

Sanarfinermut Avatangiisinullu Ingerlatsivik isumaqarpoq, Nuup Kangerlua takornarialerinermit akuersissutaateqartitsinissamullu tunngasutigut periarfissagissaartoq, siunnersuummili ilanngullugu maluginiarneqarluni tamanna nunaqavissuniit aalisariafigineqarluartarlunilu pinialuffigineqarluartartuusoq. Taamaammat ingerlatsivimmit aalajangerneqarpoq, tupeqarfissatut atugassiaasumiit sanaartorfioqqusassaangitsoq. Sumiiffiup torersuutinneqarnissaanut akuersissutaatilinnut piumasaqaatit sukannernerulersinneqarput, kiisalu akuersissummut attuumassutilinnik pilersitsinissaq akornutaassanngitsoq imaluunniit inuilaarsuarmi pingaarnertut ilusaanik allannguisoqassanngitsoq.

Aningaasaqarnikkut sulisoqarnikkullu naliliinerit

Kommunimut pilersaarummut tapiliussatut siunnersuut kommunimut pilersaarummut ilaavoq, ingerlatsiviullu pilersaarusionermut missingersuutaanut malunnaatilimmik sunniuteqassanngilaq.

Inatsisitigut tunngavissaq allakkallu tunngaviusumik uppernarsaatitalit

Pilersaarusionerq aamma nunaminertat atorineqartarneri pillugit Inatsisartut inatsisaat nr. 17, 17. november 2010-imeersoq

Inatsisartut inatsisaat nr. 34, 9. december 2015-imeersoq

Kommunimut pilersaarut digitaliusoq www.sermersooq2028.gl

Ingerlariaqqinnissaq

Pilersaarutitut siunnersuut piffissami 22. aggustimiit 3. oktobari 2018-ip tungaanut tamanut tusarniutigineqassaaq.

Tusarniaassummut akissuteqarnissamut killiliussaqaqaangiuppat pilersaarutissatut siunnersuut, akerliliissutit tiguneqarsimasut ingerlatsivimmi nalilersorneqareerpata ingerlariaqqinnissamullu inassuteqaateqartoqareerpat, Sanarfinermut Avatangiisinullu Ataatsimiititami aamma Aningaasaqarnermut Inuussutissarsiotionermullu Ataatsimiititami kiisalu Kommunalbestyrelsimi inaaruataasumik akuerineqartussanngorlugu taakkununga nassiunneqassaaq.

Inuussutissarsiornermut Nukissiuutsinullu Naalakkersuisoqarfik pilersaarut akuersissutigineqariapat ilaatigut ingerlatsivik suleqatigalugu sumiiffimmut tunngatillugu eqalunniartitsisarnissamut akuersissuteqarnissamut neqeroorusiortitsissaaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfik suliamut qulaanut tunngasumut oqaaseqaateqartinneqanngilaq.

Innuttaasunik peqataatitsineq/attaveqaqatigiinneq

Ingerlatsiviup eqalunniartitsinissamut akuersissuteqarfik qanoq paasisariaqarnersoq tusarniaanerup nalaani innuttaasunik ataatsimiititsinermigut paasisitsiniutigissavaa.

Ingerlatsivinnit allanit oqaaseqaatit

Ingerlatsivinnit allanit oqaaseqaateqartitsisoqanngilaq.

Ilanngussaq

1. Siunnersuut, O9 Qussuk/ Narsarsuaq, Nuuk

Punkt 05C: Kommunitut pilersaarummut tapiliussatut siunnersuut Illut eriaginartut

Beslutning

Inassuteqaatit akuerineqarput.

Bilag

KPT_KAL.pdf

Kommunimut pilersaarummut tapiliussatut siunnersuut Illut eriaginartut

Nuuk Illoqarfiup assinga

Aalajangiiffissaq

J. nr.: 16.03.01.01-P16-23-17

Sanarfinermut Avatangiisinullu Ingerlatsivik - pisortaq Hans Henrik Winther Johannsen / HHWJ

Suliassamik eqikkaaneq

Kommunimut pilersaarummut tapiliussatut siunnersuut Nuummi illut eriaginartut kommunimut pilersaarummi Illoqarfiup assinga Nuummut tunngaveqalersinneqarnissaa suliame uani siunertaavoq, taamaasillunilu Nuummi illutoqqat kingornussat eriagineqarnissaasa nukittorsarneqarnissaat siunertaalluni. Taamaasilluni kommunimut pilersaarummut tapiliussaq aamma Illoqarfiup Assinga, Nuuk, ingerlatsivimmut illunillu piginnittunut Nuummi illutoqqat kingornussat eriaginissaannut nukittorsarnissaannullu tunngatillugu atorluarneqarsinnaavoq. Kommunimut pilersaarummut tapiliussatut siunnersuummi Nuummi illut sorliit eriaginartuunersut, qanorlu aserfallatsaalineqartariaqarnersut pillugit suliame uani inaarutaasumik aalajangersaaffigineqarput.

Illoqarfiup Assinga, Nuuk, tassaavoq Kommuneqarfik Sermersuumi Nunatsinnilu kulturimut tunngasunik ujarlerfissat siullersaat, aammalu tassaalluni Nuummi illutoqqat kingornussat ukkatarineqarnissaannut eriagineqarnissaannut nukittorsarneqarnissaannullu suliniuteqarnissamut atortussaqaq.

Kommunimut pilersaarummut tapiliussaq Nuuk Illoqarfiup Assinga peqatigalugu ingerlatsiviup sullissinerani illunillu eriaginartunik isumaginninnerani pingaarutilittut atortuussaaq, peqatigitillugulu illunik piginnittunut ataasiakkaat illunik eriaginartunik aserfallatsaaliinissaannut iluaqutaassalluni.

Inassuteqaat

Sanarfinermut Avatangiisinullu Ingerlatsivimmit Sanarfinermut Avatangiisinullu Ataatsimiititamut inassuteqaatigaa:

- Sanarfinermut Avatangiisinullu Ataatsimiititap Kommunimut pilersaarummut tapiliussatut siunnersuut Illut eriaginartut, Nuuk Illoqarfiup Assinga akuersissutigissagaa,
- Sanarfinermut Avatangiisinullu Ataatsimiititap siunnersuut akuersissutigineqartoq sapaatip-akunnerini arfineq-pingasuni tamanut tusarniaassutigineqarnissaa siunertaralugu Aningaasaqarnermut Inuussutissarsiornermullu Ataatsimiititamut akuersissutigisassanngorlugu ingerlateqqissagaa, aammalu
- Tamatuma kingorna suliaq Aningaasaqarnermut Inuussutissarsiornermullu Ataatsimiititamit Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Kommunimut pilersaarummut tapiliussatut siunnersuut Nuummi illut eriaginartut kommunimut pilersaarummi Illoqarfiup assinga Nuummut tunngaveqalersinneqarnissaa suliame uani siunertarineqarpoq. Taamaasilluni kommunimut pilersaarummut tapiliussaq Nuuk Illoqarfiup assinga peqatigalugu ingerlatsivimmut aammalu illumik piginnittunut atorluarneqartussanngorpoq,

Nuummi illutoqqat kingornussat ukkatarineqarnissaannut eriagineqarnissaannut nukittorsarneqarnissaannullu suliniuteqarnissamut atatillugu. Kommunimut pilersaarummut tapiliussatut siunnersuummi Nuummi illut sorliit eriaginaruunersut, qanorlu aserfallatsaalineqartariaqarnersut pillugit inaarutaasumik aalajangersaaffigineqarput.

Aaqqissugaaneq

Kommunimut pilersaarummut tapiliussatut siunnersuut Nuuk Illoqarfiup assingalu ataatsimoortinneqassapput, immikkoortup siulliani Nuummi illoqarfiup ilai eriaginarut allaaserineqarmata aammalu sooq eriaginaruutissanerivut nassuiaatitaqarluni. Immikkoortut aappaanni illoqarfimmi illut eriaginarutit allanngutsaaliukkallu 73-it tamarmik nassuiaateqarfigineqarlutillu nalunaarsorneqarput.

Kommunimut pilersaarummut tapiliussami nassuiaatigineqarput illumik piginnittut qanoq iliortoqarsinnaanersoq/pinngitsoorani iliuuseqarnissaq illumik aserfallatsaaliissagaanni, allannguiniaraanni aamma/imaluunniit illunik eriaginarunik allileriniaraanni.

Kommunimut pilersaarummut tapiliussami tunngaviit tassaapput:

- Nuummi illut sorliit allanngutsaaliugaanersut eriagisasaanersullu aalajangersaaffigissallugu.
- Illoqarfiup assinga Nuuk atorlugu illut tamakku nalilittut imarisaat malinnaaffigineqarsinnaalissapput, taamaasillutillu pitsanngorsaalluni sulisoqassagaluarpata aamma/imaluunniit ilassuteqarfigineqassagaluarpata il.il. qulakkeerneqassallutik.
- Illuutit kulturimut tunngassuteqartut kingornussat aserfallatsaalineqarnissaannut atugassanik oqaasertalersuinissaq
- Sumiiffinnik illunillu eriaginarunik kommunip pitsaanerpaamik isumaginninnissaanut toqqammavissanik aalajangersaanissaq
- Illunik eriaginarunik suliaqarnermi tamanut atuuttunik malittarisassaliornissaq

Aaqqiissutissatut siunnersuut – suliatigut naliliineq

Kommunimut pilersaarummut tapiliussaq Nuuk Illoqarfiup assinga peqatigalugu ingerlatsiviup sullissinerani illunillu eriaginarunik isumaginninnerani pingaarutilittut atortuussaaq, peqatigitillugulu illunik piginnittunut ataasiakkaat illunik eriaginarunik aserfallatsaaliinissaannut iluaqutaassalluni.

Nuuk Illoqarfiup assingata immikkoorta aappaanni illunik misissuinerup naammassinerata inernerivaa illut arlaqartut eriaginaruutinnissaasa nalorninaruotartinneri. Pilersaarutaavoq illut arlaqartut eriaginarutut taaguuteqartinnissaat atorunnaarsinneqassasoq, taamaaliornikkummi illoqarfimmi illutoqqat illoqarfiup oqaluttuassartaanut pingaaruteqarnerusut ukkatarineqarnerunissaat anguneqassamat.

Naggataatigut kommunimut pilersaarummut tapiliussami siunissami kommunimi illoqarfimmik nutarterinissamut aningaasanik illikartitsisarfeqalernissaa ammaanneqarpoq. Taassuma illoqarfimmi illut eriaginarut iluarsartuunneqarnissaannut tapiissuteqartarfiunissaa eqqarsaataavoq. Suliassat aalajangersimasut tapiiffigineqarsinnaasut makkuusinnaapput:

- Nukissiuutiniq atuinnermut pitsanngorsaataasinnaasut.
- Klimaskærm; iluarsaassinerit, qalianik taarsiinerit nutarterinerilluunniit, silataani iikkat, igalaat, matut isaarissallu, aniinganerit toqqaviillu.
- Illut namminneq perusuersartarfeqanngitsut perusuersarfiliorneq uffiarfiliorneq.
- Kuuffinnut atassuteqalersitaaneq

Suliassat qulaani taaneqartut tamarmik suliarineqassappata illup eriaginartutut naleqassusianik qulakkeerinninnissaat imaluunniit qaffassaataanissaat piumasaqaataavoq.

Kommuunimut pilersaarummut tapiliusaaq Aningaasaqarnermut Inuussutissarsiornermullu Ataatsimiititami akuersissutigineqareerpat tusarniutigineqassaaq piffissami 14. aggustimiit – 17. oktoberi 2018-mut.

Aningaasaqarnikkut sulisoqarnikkullu naliliinerit

Kommuunimut pilersaarummut tapiliusaaq sulisoqarnikkut aningaasaqarnikkullu kinguneqassanngilaq, kisianni illoqarfimmik nutarterinissamut aningaasanik illikartitsisarfeqalernissaanik aammalu siunissami kommunip illuutiminik eriaginartunik aserfallatsaaliisarnissamik siunnerfeqarnissaanik innersuussutigineqartut malinneqarpata, taakkununga aningaasaliissuteqartoqartariaqassaaq. Tamanna 2019-imut missingersuusiornissamut ilanngunneqartussatut pilersaarutigineqarpoq.

Inatsisitigut tunngavissaaq allakkallu tunngaviusumik uppernarsaatitallit

Pilersaarusiorneq aamma nunaminertat atorineqartarnerat pillugu Inatsisartut inatsisaanni nr. 17, 17 november 2010-meersoq & Inatsisartut inatsisaatigut nr. 34, 9. december 2015-imeersoq Kommuunimut pilersaarut digitaliusoq www.sermersooq2028.gl

Ingerlariaqqinnissaaq

Siullermik Paamiut Tasiilarlu pillugit illoqarfiup assiliorneqarnissaat pilersaarutigineqarpoq. Kommuunimut pilersaarummut tapiliusaaq akuersissutigineqareerpat, illut eriaginartutut taaneqarsimasut, eriaginartutut taaneqarnissaannut tunngavioqqaartut taamatut taagorneri ingerlatsiviup atorunnaarsissavai. Taamaasilluni illut amiakkuusut taakkualu aserfallatsaalineqarnissaat kisimik ukkatarineqalissapput.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfiup suliniutit qulaani pineqartut pitsaalluinnartutut isigai suliamillu saqqummiussisutit akuersissutigineqarnissaa innersuussutigalugu.

Innuttaasunik peqataatitsineq/attaveqatigiinneq

Kommuunimut pilersaarummut tapiliusaaq sapaatit-akunnerini arfineq-pingasuni tamanut tusarniaassutigineqassaaq.

Tassungaaq atatillugu Ingerlatsiviup Nunatta Katersugaasiviata Nuullu Katersugaasiviata suleqatiginissai kissaatigaa illunik eriaginartunik allanngutsaalisaniillu piginnittut illoqarfimmi kulturikkut kingornussat taakkualu pingaarutaat pillugit saqqummiussiffigalugit peqataatinneqarnissaannut atatillugu.

Tamakkua saniatigut Ingerlatsiviup siunertaraa Nuuk Illoqarfiup assinga tamanut takuneqarsinnaasunngorlugu naqitertinneqassasoq, ajornanngippallu illunik allanngutsaalisani eriaginartunillu piginnittunut agguanneqarsinnaasunngorlugu.

Ingerlatsivinnit allaniit oqaaseqaatit

Kommunimut pilersaarummut tapiliussatut siunnersuut ingerlatsivinnut allanut tusarniaassutigineqarnikuunngilaq, taamaattumillu oqaaseqaatinik pissarsisoqarnikuunngilaq.

Ilanngussat

1. Kommunimut pilersaarummut tapiliussatut siunnersuut Nuummi illut eriaginartut pillugit periusissiaq
2. Nuuk Illoqarfiup assinga

Punkt 6: Taasariaqartut allat

Beslutning

Soqanngilaq.

Punkt 7: Suliat matoqqasut

Punkt 07A: Lukket

Punkt 07B: Lukket

Punkt 8: Imaqarniliap akuerineqarnera

Beslutning

Imaqarniliaq akuersissutigineqarpoq nal. 14.54.